



# Neno la Mungu ni

## Ulinzi Wetu

**N**a waende kwa sheria na ushuhuda; ikiwa hawasemi sawasawa na neno hili, bila shaka kwa hao hapana asubuhi.—**Isaya 8:20.**

Neno letu la kuchunga lapaswa kuwa “Na waende kwa sheria na ushuhuda; ikiwa hawasemi sawasawa na neno hili, bila shaka kwa hao hapana asubuhi.” Tunayo Biblia iliyojaa ukweli wa thamani kuu. Ina maarifa ya alfa na omega. Maandiko, yaliyotolewa kwa uvuvio wa Mungu, “Yafaa kwa mafundisho, na kwa kuwaonya watu makosa yao, na kwa kuwaongoza, na kwa kuwaadibisha katika haki: ili mtu wa Mungu awe kamili, amekamilishwa apate kutenda kila tendo jema” (2 Timotheo 3:16, 17). Ichukue Biblia kuwa kitabu chako cha kujifunza. Wote wanaweza kuelewa maagizo yake.

Yesu anawaita watu Wake kuliadini na kuliishi Neno Lake. Wale wanaolipokea na kulichukua Neno hili, wakilifanya kuwa sehemu ya kila utendaji wao, ya kila sifa ya tabia, watazidi kuimarika katika nguvu ya Mungu. Itaonekana kuwa imani yao ni ya asili ya mbinguni. Hawataweza kutanga tanga katika njia za ajabu. Akili zao hazitageukia dini ya hisia na msisimko. Mbele ya malaika na mbele ya wanadamu, watasimama kama wale walio na tabia za Kikristo zilizo imara na thabiti.

Katika chetezo cha dhahabu cha ukweli, kama ilivyowasilishwa katika mafundisho ya Yesu, tunacho kile ambacho kitasadikisha na kuongoa roho. Hubiri, katika usahili wa Yesu, kweli ambazo alikuja hapa duniani ili kuzihubiri, na kisha nguvu ya ujumbe wako itawafanya watu kuihisi. Usitete nadharia na kanuni ambazo kamwe Yesu hakuzitaja, na ambazo hazina msingi katika Biblia. Tunazo kweli kuu na zenye thamani kwa ajili ya watu. “Imeandikwa” ni kanuni ambayo inapaswa kuwasilishwa kwa kila roho.

Hebu na tuliendee Neno la Mungu kwa ajili ya kupata mwongozo. Hebu na tutafute kupata “Bwana asema hivi.” Tumechoshwa na mbinu za wanadamu. Mtu aliyefundishwa tu katika sayansi ya kidunia atashindwa kuyaelewa mambo ya Mungu; lakini mtu huyo huyo, akiongolewa na kutakaswa, ataiona nguvu ya Mungu kwenye Neno. Ni akili na moyo tu uliosafishwa kwa utakaso wa Roho unaoweza kutambua mambo ya mbinguni....

Katika jina la Bwana ninawataka mwamke na kutekeleza majukumu yenu. Hebu mioyo yenu iwekwe chini ya nguvu ya Roho Mtakatifu, na itafanywa kuwa myepesi kupokea mafundisho ya Neno. Kisha utaweza kutambua mambo ya Mungu kwa kina.

Hebu na awalete watu Wake chini ya mguso wa kina wa Roho Wake! Hebu na awaamshe ili waone hatari yao, na kujiandaa kwa kile kinachojia dunia! (Gospel Workers, 309, 310).

Maswali yanapoibuka ambayo hatuyaelewi, hebu na tuulize, Je! Yasemaje Maandiko? ... Hebu wale wanaotamani kupata kitu kipya waombe kwa ajili ya upya ule wa uzima unaotokana na kuzaliwa upya. Hebu na wazitakase nafsi zao kwa kuantii ukweli, na kutenda kwa kukubaliana na maagizo ambayo Yesu alitoa (Gospel Workers, 314, 315):